

“ fuscatae sunt, atque in quibus hic illic gramina crescunt, noctu lunæ radii,  
“ etsi margaritarum puritate splendentes, haud refulgent.

19. “ Hortorum meorum plantæ, quarum flores olim decerpebantur a  
“ puellis jocantibus, molliter ramos removentibus, nunc vexantur a simiis  
“ sylvestribus, velut a *Pulindis*.

20. “ Fenestræ, nullum noctu lucernarum splendorem ostendentes,  
“ atque interdiu etiam feminarum vultuum pulchritudine privatae, fumo,  
“ qui ex iis provenire solebat, cessante, araneorum textis obteguntur.

21. “ Dolore premor, conspiciens *Sarayuis* aquas, quarum insulae sacri-  
“ ficiis relictæ sunt, et quæ non amplius miscentur pulvere odorifero, quo  
“ lavantes utebantur, atque casas, in illarum ripis arundine constructas,  
“ desertas.

22. “ Quare tu, ista habitatione relictæ, ad me, stirpis tuæ sedem regiam,  
“ redire velis, sicut pater tuus, relicto corpore, quod sensibus humanum  
“ erat, rediit in summi numinis speciem.”

23. “ Faciam!” Ita loquens *RAGHUIDARUM* optimus lætus illius  
preces accepit, atque urbs, favorem vultu ostendens, in corpus suum  
rediens, evanuit.

24. Mirum illud noctis eventum rex mane *Bráhmanis* in concione nar-  
ravit; qui cum audissent, a stirpis urbe regia, ante oculos ejus apparente,  
illum maritum electum esse, fausta ei precabantur.

25. Rex *Kusávatim* urbem sacerdotibus tradens, die itineri idoneo cum  
uxoribus *Ayodhyam* versus profectus est, atque eum sequebantur milites,  
veluti nubium copiae ventum.

26. In itinere exercitus ille erat quasi urbs regia ambulans, vexillorum  
ordines sylvarum partes agebant, magni elephanti quasi montes voluptarii  
sequebantur, et currus ædificiis splendidis similes erant.

27. Magnus exercitus, ab illo, qui fulgente umbellæ orbe cinctus erat, in  
prioris habitationis locum missus, splendebat velut oceanus, quando a luna  
orta litus versus ducitur.

28. Quasi illius procedentis catervarum onus ferre haud valeret, Terra,  
sub pulveris specie, iterum ascendit quasi in æthera, *VISHNUIS* sedem.